
Riassunt da la tschanteda da la suprastanza cumünela dals 07-05-2025

Protocols dals 24-04-2025 e dals 05-05-2025

Ils protocols da las tschantedas dals 24-04-2025 e dals 05-05-2025 (circulara) vegnan approvus.

Dumandas per contribuziuns annuelas societeds

A sun entredas dumandas da seguaintas societeds per üna contribuziun annuela:

-Club da Hockey S-chanf

-RK Engadin

Ad es gnieu fundo il Club da hockey S-chanf (president: Roman Parli) cun 31 commembers chi voutan fer 1 vouta l'eivna ün trenamaint.

Il RK Engadin es ün club dad anteriurs pulizists, militarists ed oters da quel gener chi passaintan lur temp liber cun trer pistola e fer exercizis da militer in unifurma da militer. Tenor glista da commembers deda giò es be üna persuna da S-chanf.

La suprastanza decida da der al Club da hockey S-chanf üna contribuziun annuela da fr. 1'000.00 e da na der üngüna contribuziun al RK Engadin.

2025-004 Monte AG, nouva piazza da padel sül tet, parcella 699

La ditta Monte AG ho inoltro üna dumanda da fabrica per metter sü üna arena per giuver tennis da padel sül stabilimaint sün parcella 699. Planiso es da metter sü quella sül tet dal magazin da las harassas. L'Arena imsüra arduond 20 meters sün 10 meters. A vegnan missas sü paraids da vaider da 4 meters otezza.

La suprastanza decida d'aderir a la dumanda da fabrica per metter sü üna piazza da padel sül tet sün parcella 699.

Annunzchas da fabrica

2025-006 Carmen Humbel, Fabio Drigo, renovamaint da la fatscheda sün parcella 92

Ad es entreda l'annunzcha da fabrica da duonna Carmen Humbel e sar Fabio Drigo. Els prevezzan da renovar la fatscheda, las fnestras, la saiv da la terrassa scu eir la porta d'entreda sün parcella 92.

La suprastanza piglia cugnuschtscha da l'annunzcha da fabrica.

2025-007 Uorschla Campell, müdamaint da proget 2023-051, parcella 662

Duonna Uorschla Campell ho inoltro ün'annunzcha dal müdamaint dal proget 2023-051, parcella 662 a Susauna. Previs es sto da fer our da la chesa 3 abitaziuns. Il müdamaint inoltro prevezza da partir sü la chesa in nouv 2 abitaziuns.

La suprastanza piglia cugnuschtscha da l'annunzcha da fabrica.

2025-009 Claudia Giacomelli, müdamaint da proget 2024-046, parcella 768

Duonna Claudia Giacomelli ho inoltro ün'annunzcha dal müdamaint dal proget 2024-046, parcella 768 a Cinuos-chel.

La suprastanza piglia cugnuschtscha da l'annunzcha da fabrica.

2025-013 Societed da pasculs ed alps, sar Meng Gian Battista, chamanna da pester temporela, parcella 743

La societed da pasculs ed alps ho inoltro ün'annunzcha da fabrica per pudair metter sü üna chamanna da pester temporela in Val Viluoch.

La suprastanza piglia cugnuschtscha da l'annunzcha da fabrica.

2025-014 Duonna Böckmann Monferini Gaia, spartiziun d'üna chesa in duos abitaziuns, parcella 660

Duonna Gaia Monferini ho inoltro ün'annunzcha da fabrica per la chesa sün parcella 660 a S-chanf. Previs es da spartir la chesa in 2 abitaziuns per pudair vender ün'abitaziun ad ün ester.

La suprastanza piglia cugnuschentscha da l'annunzcha da fabrica.

Infurmaziuns

- Prosma radunanza cumünela ho lö ils 25-06-2025.
- Ils 11-08-2025 a las 19.30 ho üna saireda d'infurmaziun per la populaziun traunter il militer e la vschinauncha per infurmer sur dal stedi da la collavuraziun, progets ed ulteriuras dumandas.

A las 20.30 vain la tschanteda alveda.

Riet R. Campell
S-chanf, ils 08-05-2025

La suprastanza cumünela